

《武昌縣志》整理工作委員會

武昌縣志

全五冊
第三冊

湖北長江出版集團
湖北人民出版社

武昌縣志卷十一

藩封

唐

樊仲文居于樊

詳沿革。

夏

封唐，後都于鄂。

詳沿革。

殷

鄂侯

詳沿革。

周

楚王紅。
楚子熊渠封中子紅于鄂。

《太平御覽》引世紀，詳沿革。案：劉向《說苑·善說篇》鄂君子皙親，楚王母弟也，官爲令尹，爵爲執珪，當

是襲封于鄂。薛季宣《鄂墟賦》以紅歸國，廢，恐誤。

漢

鄂侯。

案：《續漢書·郡國志》：鄂，侯國。鄂侯無考。

三国吳

太子登鎮武昌。

案：黃龍元年，太子登鎮武昌，以上大將軍陸遜、偏將軍是儀輔焉。太常潘濬亦駐武昌，共掌留事，均有傳。

齊王奮居武昌。

神鳳元年，

案：通鑑作魏嘉平四年，元和志作嘉禾二年，誤。

立孫奮爲齊王，居武昌。

《吳書·本傳》。案：本傳孫奮字子揚，母曰仲姬。權薨，太傅諸葛恪，不欲諸王處江濱兵馬之地，徙奮于豫章。奮怒，不從命。又數越法度，恪上箋諫，遂移南昌。

晉

武昌縣侯虞潭。

蘇峻反潭，與郗鑒、王舒協同義舉，尋而峻平，以前後

功進爵武昌縣侯，邑一千六百戶，卒于位，謚曰「孝烈」。子伋嗣，伋

卒，子嘯父嗣。

《晉書·本傳》。案：《三國志·虞翻傳》裴注：潭，字思奧。又《晉書·地理志》：大國侯，邑千六百戶，地方七十里。

武昌侯裴該。駿誅，以功當封武昌侯。顧請以封，愷帝竟封顧次子該。

《晉書·裴顧傳》

武昌郡公王敦。以敦爲丞相、江州牧，進爵武昌郡公，邑萬戶。

《晉書·本傳》，詳兵事。

武昌鄉侯嵇含。

含襲爵武昌鄉侯。

《晉書·忠義·稽紹附傳》。案：含爲紹從子。又案：《晉書·桓玄傳》玄封王，謚爲武昌縣公。又王導

傳，桓玄篡封，謚武昌縣開國公，加班劍二十人，以爲篡逆，所封故不錄。

南宋

武昌王劉渾。元嘉二十九年七月，汝陰王渾，改封武昌王。

《宋書·文帝紀》。案：《孝武帝紀》：孝建元年，以征西將軍王渾為雍州刺史。二年，有罪自殺。又文武王傳：太宗即位，追封為武昌縣侯。

武昌縣公謝晦。武帝永光元年，封侍中領軍謝晦為武昌縣公，食邑二千

戶。《宋書·徐羨之傳》。案：謝晦本傳，以佐命功封武昌縣公，食邑二千戶。邵志作謝晦，誤。

武昌縣侯薛安都。世祖踐阼，以功封南鄉縣男。孝建元年，進爵為侯。

大明二年，改封武昌縣侯，加散騎常侍。《宋書·本傳》。又案：《宋書·恩倖傳》：元徽中，封于天寶，為鄂縣子，食邑二百戶，以恩

倖，不載。又《北史·魏武帝紀》：太延二年，改封潁川王，提為武昌王。《楊播傳》有武昌王，和《魏書·許彥傳》：世祖初賜爵博陵侯，進爵武昌公。考《魏書·地形志》有武昌郡，治團州，自與縣別。惟《地形志》載：武昌郡。武定四年置，或舊名武昌也。又《漢書·地理志》：王莽時亦有武昌縣，乃漢東武陽。《唐書·地理志》：羈縻州有武昌州，隸戎州都督府，皆名同而地異也。

齊

鄂縣子王玄載。沈攸之之難，玄載起義，送誠進，號後軍將軍，封鄂縣

子。建元元年，為左民尚書，鄂縣子如故。《南齊書·本傳》。

武昌王蕭子明。二字據《南史》。永明元年，封皇子。子明為武昌王。三年失國璽，

改西陽。

《南齊書·武帝十七王傳》。案：邵志作子響，考《南齊書·武帝本紀》及《魚復侯子響傳》均無封響爲武昌王之文，邵志誤。

武昌縣伯裴叔業。

建武二年，上以叔業有勛誠，封武昌縣伯。

《南齊書·本傳》。

梁

武昌郡王蕭警。

大同三年三月，立昭明太子子警爲武昌郡王。

《梁書·武帝紀》。案：本紀中，大同元年七月，以武昌王警爲東揚州刺史。八月薨。又百官志：郡王第一品秩，萬石。

陳

武昌郡公周炅。

授炅戎威將軍、定州刺史，帶西陽、武昌二郡太守。

太建八年，贈司州刺史，封武昌郡公。

《陳書·世祖紀》。謚曰「壯」，子法僧

嗣。

《陳書·本傳》。案：《隋書·周法尚傳》，以武昌縣公，法僧代爲定州刺史。

武昌王陳叔虞。

太建十四年，後主立皇弟叔虞爲武昌王。

《陳書·後主紀》。案：高祖二十九，王

傳：叔虞爲高宗第十九子。

周

鄂國公王杰。

大象元年，追封鄂國公。謚曰「威」。

《周書·本傳》。

唐

武昌縣男戴胄。

太宗即位，封府士曹參軍戴胄爲武昌縣男。

《舊唐書·本傳》。
《唐書·本傳》。

武昌縣子孔楨。

高宗時，封絳州刺史孔楨爲武昌縣子。謚曰「溫」。

《舊唐書·孔紹安傳》。
案：楨，紹安子。

宋

武昌縣子岳飛。

紹興四年，授湖北路荆襄潭州制置使，封武昌縣開國

子。五年，入覲，進封武昌郡開國侯，詔兼蘄黃制置使，加檢校少保，

進封公。淳熙六年，謚「武穆」，追封「鄂王」。

《宋史·本傳》。

武昌縣開國男吳景偁。

淳熙年，封吳景偁爲武昌縣開國男。

熊志有傳。

附錄

漢鄂邑公主。

武帝封姊，號鄂邑長公主。

《元和郡縣志》。案：《漢書·昭帝紀》。帝姊鄂邑公主，益湯沐邑，爲長公

主，共養省中。顏師古注。應邵曰：鄂，縣名，屬江夏，公主所食曰邑。

晉武昌公主。

簡文帝女，武昌公主。

《晉書·桓修傳》。

唐武昌縣君。

開成元年，封衡方厚妻程氏爲武昌縣君。

《舊唐書·列女傳》。

官師一

三国吳

武昌督

案：吳時，鎮將總兵，亦曰都督。大軍出，爲二部，則曰：左右督。《通鑑》：正始七年，吳主分荊州爲二部，以鎮南將軍呂岱爲上大將軍，督右部，自武昌西至蒲圻。以威北將軍諸葛恪爲大將軍，督左部。

代陸遜鎮武昌。

呂岱

赤烏元年，右部督。有傳。

諸葛恪

赤烏元年，左部督。有傳。

陸凱

五鳳二年，右部督。有傳。

滕胤

太平元年，右部督。案：《吳書·孫亮傳》：太平元年，大司馬呂岱卒，更以滕胤爲大司馬，代呂岱駐武昌。考《孫琳傳》：胤爲琳所殺。蓋未赴武昌也。又琳因孟宗求出，屯武昌，休許焉，亦未赴而見殺。

魯淑

永安中，武昌督。有傳。

范慎

甘露間，左部督，有傳。案：熊志作左都督，誤。

案：《孫皓傳》：建衡三年，以武昌督范慎爲太尉，蓋久駐武昌。

薛瑩

建衡三年，左部督。有傳。

徐平

武昌督。
有傳。

孫述

武昌督，父鄰。有傳。案：《吳書》：寶鼎元年，以衛將軍滕牧鎮武昌，當是左部督，有傳。又裴注引《會稽錄》，晉軍來伐，遣虞景持節都督武昌，已上諸軍事，當是右部督。又晉書陶璜傳：皓徵璜為武昌都督，則猶未赴也。

武昌部從事

樊佑

南陽人，見《太平御覽》引《江表傳》，詳兵事。

武昌太守

士廡

案：《三國志·吳書·士燮傳》建安末年，燮遣子廡入質，權以爲武昌太守。

習溫

見《襄陽耆舊記》。

晉

荊州刺史

案：《宋書·州郡志》：荊州刺史，魏晉治江陵，王敦治武昌，陶侃前治沔陽，後治武昌，王廙治江陵，庾亮治武昌。又《晉書·地理志》：荊州統郡二十二，縣一百六十七，戶三十五萬七千五百四十八。

王敦

建興三年任，詳《兵事》。

陶侃

咸和五年任，有傳。

庾亮

咸和九年任，有傳。

庾翼

咸康六年任，有傳。

江州刺史

案：晉自溫嶠爲江州刺史，持節都督，鎮武昌，奏言豫章十郡之要，宜以刺史居之。尋

鄂長

胡綜

案：《吳書·胡綜傳》：從孫權討黃祖，拜鄂長，蓋此時武昌郡尚未立也。

武昌太守

案：《晉書·州郡志》：郡皆置太守。諸王國以內史掌太守之任。又地理志，武昌

郡統縣七，戶一萬四千八百。

褚洽

見《晉書·褚裒傳》及《外戚傳》又見《唐書·褚氏宰相世系表二》案：褚洽，裒父。

劉根

惠帝紀：詳兵事。

褚雋之

永嘉初任，見《太平寰宇記》。

陶侃

永嘉五年任，有傳。

趙誘

太興中代陶侃，有傳。

樂凱

見《晉書·郭舒傳》。案：王敦使郭舒守武昌，時凱爲太守。則舒非太守矣。

馮逸

案：《晉書·周訪傳》：元帝以訪爲楊烈將軍，領兵一千二百，屯尋陽鄂陵，與甘卓、趙誘討華

陽濱江，都督應鎮其地。宜選單車刺史，別撫豫章，詔不許。以後置刺史甚多，非史傳載有鎮武昌者，不錄。

軼所統厲武將軍丁乾，與華軼所統武昌太守馮逸交通，訪收斬之，逸來攻訪，訪率眾擊破之。又華軼傳：武昌太守馮逸次于湓口，訪擊逸敗之。

溫嶠

咸和元年任，有傳。

劉詡

見《晉書·桓宣傳》。

庾冰

建元元年任，有傳。

桓宣

有傳。

謝尚

建元元年任。案：《晉書·謝尚本傳》：庾冰薨，領江州刺史，通典：東晉謝尚、庾翼屯守于此。

熊遠

有傳。

熊鳴鵠

遠子，附見遠傳。

周撫

字道和，征西將軍周訪子，見晉書周訪傳。

陳囂

咸康中任，見庾亮傳。

陶茂

見《晉書·陶潛傳》。案：茂，陶潛祖。

庾楷

隆安五年任，有傳。

王諒

太興元年任。見《晉書·忠義傳》、《宋書·五行志》。又見《搜神記》事詳《祥異》，有傳。

謝思

見《宋書·謝弘微傳》。案：思弘，微父。

南宋

武昌太守

案：《宋書·百官志》：太守二千石。又《州郡志》：武昌太守領縣三，武昌侯

相、陽新侯相、鄂令。

何遠

有傳。案：康熙府志作梁守，誤。

阮長之

有傳。

蔡興宗

元嘉二十五年任。見《宋書·符瑞志》詳祥異。案：《宋書·蔡廓傳》：廓，濟陽考城人。興

宗，廓少子。

王玄謨

字彥德，太原祁人，少帝末，謝晦為荊州，請為南蠻行參軍。武昌太守晦敗，以非大帥

見原。元嘉中，補長沙，見《宋書·本傳》。

劉弼

見《宋書·宗室傳》又《鄧琬傳》有寧朔將軍武昌太守劉弼。

臧渙

升明二年任。見《宋書·沈攸之傳》詳兵事。案：《嘉慶通志》有武昌太守劉渙，未知所據。又《宋書·

臧質傳》：孝建元年，質以羊衝之為武昌郡，以叛臣所置，不錄。又《昇苑》及《廣古今五行記》均載。永初中，有武昌太守張春志怪之書，不盡傳信。詳雜志。又《南齊書·王奐傳》：元徽間，奐為晉熙王鎮西長史，加冠軍將軍。江夏武昌太守，當是遙領。亦不載。

武昌內史

案：《宋書·百官志》：秦置守、丞、尉各一人，守治民，丞佐之，郡當邊戍

者，丞為長史。宋太祖元嘉四年，置郡官屬，太守二千石，丞六百。

沈慶之

有傳。案：《嘉慶通志》作武昌太守。考《宋書·本傳》及《輿地紀勝》均作武昌內

史。通志蓋誤。又《宋書·臧質傳》有郡丞胡庇之，詳兵事。又見《法苑珠林》，詳雜志。

齊

武昌太守

案：《南齊書·百官志》郡太守內史。

伏曼容

有傳。

邱巨源

見《南史·文學傳》。案：本傳未赴，改余杭令。康熙府志作晉守，誤。

劉靈真

見《梁書·南史·劉訐傳》。案：傳稱齊鎮西諮議，武昌太守。

案：《嘉慶通志》有齊武昌太守沈沖，考南齊書沈沖本傳，及南史沈懷文傳，均載齊武帝爲江州，沖爲徵虜長史、尋陽太守，無武昌太守之文。通志未知所據。

梁

武昌太守

案：《梁書·百官志》：郡置太守，置丞。郡丞，三萬戶以上置佐一人。

吉士瞻

天監年間任，有傳。

朱買臣

荊州人，承聖三年任。見《南史》并通鑑梁紀，及御覽引三國典略。

案：《還冤記》載：梁武昌太守張綯，以爲志怪之書。詳雜志。又案：梁陳之際，常以將軍領太守之任，西陽、武昌多兼領之。考《梁書·太祖五王傳》：天監中，南平王，襄王，偉子恭，出爲督齊安等十一郡事。寧遠將軍西陽武昌二郡太守。又《夏侯夔傳》：普通三年，夏侯夔遷假節徵遠將軍，西陽、武昌二郡太守。陳承梁，皆循其制。《陳書·世祖紀》：永定間，授周昉戎威將軍，定州刺史，帶西陽武昌二郡太守。又天嘉間，陸山才遷旗將軍，西陽武昌二守。見《陳書·本傳》，以非專職，不載。

隋

武昌縣令

案：《隋書·百官志》：縣置令、丞、尉，大縣百四十石，其下每以十石爲差，至于下下，則六十石。

義士暄

隋末縣令。見《太平寰宇記》，詳古迹。案：邵志作義大暄，大業間任，誤。

唐

案：《唐書·地理志》，元和郡縣志，武昌縣緊。

武昌縣令

韓仲卿

見《新唐書》，有傳。案：李白《去思碑》云：時鑿齒磨牙于兩京。宋城易子而炊骨。則在開元以後也。邵志作開元年任，蓋臆斷之文。

武昌尉

李暖

見《唐書·李氏宰相世系表》。

王庭璘

見李白《武昌宰韓君去思碑》，詳金石。

孟彥深

字士源，登天寶二年進士第，天寶末，爲武昌令。見唐詩紀事。

馬珣

扶風人，廣德元年任。詳古蹟。案：《方輿勝覽》、《輿地紀勝·景物下》作馬安。《紀勝碑記》

下，作馬向，均誤。

唐平

興元年中任。見《太平寰宇記》。

南唐

武昌縣令

歐陽彬 永豐人，見《江西通志》。案：江西通志，彬仕南唐，為武昌令，檢校右散騎常侍兼御史大夫，累贈中書令，與宋縣令歐陽彬，似非一人。

宋

案：《宋史·地理志》、《元豐九域志》、《輿地紀勝》、《輿地廣記·武昌縣上》。

知壽昌軍

案：《宋史·職官志》：宋初，革五季之列郡，號權知軍州事。其後，文武官參為知州軍事。二品以上，稱判軍，謂兵州，謂民政也。

趙崇濤

紹定四年任。見熊志，曾修忠節祠。

京規

淳祐間，權壽昌軍，修南湖書院，見明統志。

胡夢麟

德祐元年任。十年正月丙戌，元兵徇江州，知壽昌軍，胡夢麟寓治于江州，丁亥自殺。均見《宋史·瀛國公紀》。

《宋史·瀛國公紀》。

史岩

開慶元年十月，史岩沿江制置副使，移司壽昌軍，應授鄂州。見《宋史·理宗紀》。

王霆

有傳。案：邵志有王霆知壽昌軍，留心民事，深為國計，似即一人。康熙府志作王霆之，亦誤。案：《嘉慶通志》載，宋知壽昌軍一人方澤。明統志，方澤知武昌軍，政和民悅。再起南樓，黃庭堅詩：庾公風流冷。

武昌縣令

案：《宋史·職官志》：縣令，凡戶口賦役錢谷賑濟給納之事，皆掌之。若京

朝幕官，則為知縣。

歐陽彬

廬陵人，宋初官武昌令，尚書職方郎中，分司南京。歐陽穎之祖。見歐陽修《尚書都官志銘》。

歐陽公墓志銘。

鄧潤甫

嘉祐中任。有傳。案：蘇軾西山詩序：嘉祐中，翰林學士承旨鄧聖求為武昌令。

李嬰

元豐五年任。見宋贈太師郝武莊公夫人朱氏墓志銘。案：碑稱：前鄂州武昌縣令李嬰撰。

又元豐五年題名有蘇軾、李嬰、吳亮，詳金石。

李觀

見畫墁集。案：集載同縣令李觀、佐吳亮、嚴岷、及子瞻諸人游武昌樊山考。東坡有《與武昌主簿吳亮》詩，在元豐五年，李觀令武昌當在此時。

似鐵，誰其繼之方公悅。公悅，澤字也。考《輿地紀勝·鄂州下》元祐元年，方澤爲州守。《方輿勝覽》亦作元祐間守。而武昌縣至嘉定十五年始升爲武昌軍。旋升壽昌軍，前此無武昌軍之名。元祐元年至嘉定十五年，計百三十余年，方澤不應尚存。蓋宋至道二年，已設武昌軍節度，方澤是時知武昌軍。蓋在鄂州也。黃庭堅有鄂州南樓書事四首，又南樓畫閣觀方公悅詩，歲次韵二首，皆明言鄂州南樓，其引用庾公事已詳古迹。諸書無作知壽昌軍者。通志蓋誤，邵志以爲唐德宗貞元間知武昌軍，黃庭堅以詩紀之，尤謬。又案：邵志有王安國爲壽昌軍節度推官，持正不可幹以私。考安國系武昌軍節度推官，邵志誤。今刪。

吳景偁

政和年任。有傳。

王揮

靖康後，知武昌縣。見薛季宣王公墓志銘。詳冢墓。

程鵬舉

攝縣令，見薛季宣《勝亭記》。

唐時

見薛季宣《武昌土俗編序》。

薛季宣

有傳。

周復

淳熙初任。見修儒學記。

李楷

邯鄲人，熙七年任。見呂公洞石刻。

胡朝穎

慶元元年任。案：《胡氏譜》：朝穎咸平中令武昌，罷官後，主講龍川書院。遂家于金牛鎮。考元龍川書院記，則書院始建于元。主講者爲朝穎玄孫文壽。然咸平距元初且三百年，何得尚有玄孫。《胡氏譜》誤。邵志作慶元差近。又《宋詩紀事》云：胡朝穎，字達卿，淳安人，乾道八年進士，官提刑。有靜軒集，或又一朝穎也。

段震午

寶慶元年任。案：邵志職官表，作知縣，南湖書院下作知府。《康熙府志》作段震年，有誤。

朱堯

案：名勝志作宋令。詳金石。

主簿

案：《宋史·職官志》：開寶三年，

詔諸縣千戶以上置令、簿、尉。

吳亮

字君采，元豐元年任。案：邵志作

吳亮工，誤。考蘇文忠集，元豐五年六月有詩《與武昌主簿吳亮》。畫墁集及元豐五年題名，均作吳亮。

蘇迨

見《斜川集》仲豫赴官武昌叙。

賈麟之

紹興間任。見薛季宣《賈氏宗譜》

序。案：序稱麟之始以進士高第試，主武昌簿領間，學有淵奧。它日攝事郡府，以文字出入諸臺間。則麟之蓋賢吏也。

黃邦俊

亳人，紹興三十年任，見薛季宣

尉

案：《宋史·職官志》縣置尉一員，在主簿之下，又薛季宣上諸司論金牛置尉札子。金牛鎮舊有

監官一員，紹興初減罷。

嚴屹

元豐元年任。見畫墁集。

李康年

字樂道，江夏人，見書畫譜。案：輿地紀勝《李康年攝尉武昌，自江夏登舟，一夕而至。

詩：可笑野航載歸夢，不知身在武昌城。則康年蓋攝任也。又東坡集有《跋李康年篆心經後》。在元豐五年，則攝尉，當在此時。又與李通叔尺牘及黃庭堅跋，皆推宗其篆書，則康年蓋善書也。

案：括異志載：治平中，武昌縣令鄭前觀，以為志怪之書，不錄。詳雜志。又蘇軾武昌銅劍歌序，供奉官鄭文，嘗官于武昌，不知何官也。

教授

案：《宋史·職官志》：慶曆四年，詔

諸路州軍監，各立學，始置教授。

王禹奎

嘉祐二年任，見邵志。

黃瑞諒

淳熙間任。

蕭逢辰

淳祐間任。

邵萍生

署本縣學事，見《邵氏譜》。

案：高似孫《察集》有《答武昌吳廣文》詩：吳廣文佚其名。

巡檢司

案：《宋史·職官志》：凡沿江沿海

招集水軍控扼要害，及地分闊遠處，皆置巡檢一員。

歐陽鑒

廬陵人，仕為右侍禁，武昌巡檢

尚書，工部郎中歐陽載之子，見歐陽修《歐陽載墓銘》。

《寒溪堂記》。

許失名，字仲璠，見薛季宣《浪語集》。

馬龜年 淳熙七年任，見呂公洞石刻

董失名，番陽人，見薛季宣《正己堂記》。

王枏 字彥材，番陽人，見紹興三十年任，見薛季宣《寒溪堂記》及《梅廬記》。

姚天驥 淳熙七年任，見呂公洞石刻。

鄒應博 嘉定中任，見一統志。

蕭逢辰 淳祐間任。

邵萍生 署本縣學事，見邵氏譜。案：高似孫疎寮集有《答武昌吳廣文》詩：吳廣文佚其名。

元 案：《元史·地理志·武昌縣下》

權知壽昌府 案：《元史·百官志》：太祖十八年，定西域諸城，置達魯噶齊監治，自是每定一路，路府州縣皆置達魯噶齊，時武昌初定，故尚沿宋置也。又案：散府秩正四品，達魯噶齊一員，知府或府尹一員，達魯噶齊原作達魯花赤。華言掌印官也。

壽昌府判官

申屠致遠 壽張人，至元中壽昌府判，見一統志。有傳。

陳天祥 至元間權知壽昌府事，見《元史·陳祐傳》。有傳。

達魯噶齊 案：《元史·百官志》：至元二十年，定江淮以南三萬戶之上者為上縣，一萬戶之上者為中縣，一萬戶之下者為下縣。上

主簿

孟德成 大德八年任。見元許善勝修學記。

典史

龍不花 至元間任，有傳。

教諭 案：元縣置教諭一員，書院別置山長。元貞元年，悉罷之。

宋克寬 大德間任，見元許善勝修學

學記。